

Schedula Freheri, cuius Gruterus meminit in superiori Epistola.

S. P. *Quis non obviis ulnis amplectatur humanitatem & comitatem viri amplissimi, qui institutum nostrum ulro it adjutum, offerens de Ludovici Pii Imperatoris Vita Libellos coaequaevi Scriptoris, hactenus nec fando mibi audit, eoque impensis desiderandi? Quare quoniam ad eum scribes, quaeo multam salutem ei a me adscribas, studia, & officia mea prolixe deferas, petasque, ut quidquid est Libri archetypum, ad nundinas proximas nobis videndum & describendum mittatur, redditum bona fide ad dominum cum foenore gratiarum, quo par est. Vale & salve amicorum potissime.*

T. Frehero.

*Eiusdem aevi Scriptor Hrabanus Maurus Abbas Fuldenis, & Archiepiscopus Moguntinus condidit etiam de Ludovici Imperatoris, ejusque filiorum gestis libros aliquot carmine. Quid si & de illis vir ille clarissimus inaudierit?*

Inscriptio. *A Monsieur Monsieur de Gruterus.*

Marquardi Freheri Epistola ad Sebastianum Tengnagelium.

S. P. D. *A multis annis nulla res, ut minus exspectata, ita magis animo meo grata, fudus meis apta mibi obvenit, quam ista a te, Vir nobilis & amplissime. Dicis salutem per D. Gruterum nostrum homini ignoto: offers juvandis studiis nostris copiam Libri veteris non vulgariter manuscripti & Bibliotheca Caesarea: mox mittis eudem archetypum quantivis pretiis autorem rarum, & hactenus nec fando nobis auditum, tamen pro aeo suo non illepidum, & omnino dignum, qui inter Francicos nostros aevos in publico non sine notis aliquibus compareat. Excedit admirationem tantæ humanitas: superat vires nostras beneficij magnitudo: vincimur officiis promptitudine & opportunitate. Tamdem, quod possum, gratias summas habeo, agoque libens merito; paratus quacunque licebit redhastire. Agam & publice, quum edam jucundissimum lectu Libellum, bis quidem, qui omnium temporum, omnium gentium monumentis delentantur: inter quas sane Francicum nomen & Imperii amplitudine & gestarum rerum gloria non postremum locum tenere videtur. Quam multæ pulcherrima & rarissimæ observationis ex eo jam sublegi & notavi! nam pridie quam domo discederem, acceptum comitem itineris ad Danubium astemsi, & inter media negotia ac toedia vacivis horis mea manus exscripsi. Quoties interea beneficium tuum taciti gratia mente aestimavi: optima quaque tibi vovi: referendae gratiae vicem tibi destinavi! Et quidem ipse Codex religiose a me habitus, cum gratiarum cumulo ecce ad te tuto reddit. Ceterum periculum est, ne ista promptitudo tua deinceps ad petendum plura animum nobis addat; tibi plusculum negotii facessat. Etiam est, quod vix tempore emendicare eo quidem audacius, quod non mea id causâ, sed publicâ. De ejusdem enim Hludovici Primi filiorum dissensione intestina scripsit Librum heroo carmine Hrabanus Maurus Archiepiscopus Moguntinus, ut Gesnerus & alii indicium faciunt, quem multis votis diu expeditum, nulla hactenus indagine nancisci potui, ut jam de eo penitus desperemus, nisi Augusta illa Bibliotheca suppeditet. Libet sperare, quod ibi exstet. Quid enim in tanto numero desit, ubi iste Ermoldus 4709. censetur? (a) Vide quaeo vir amplissime, an desiderio nostro subvenire possis, & de publico simul bene mereri perge.*

„ Sic tibi dent Superi quae istibac pietate mereris:

„ Sic sit amicitiae jus mibi dulce tuum.

Vale V. C.

*Ex Augusta Vindelicorum, urbe nobis patria, & post multæ lustra tamdem revisa XIII. Decembri 1608.*

Marquardus Freherus.

Eiusdem ad eudem Epistola.

S. P. Literae tueae, Vir amplissime, Francofurti mibi redditæ sunt, cum multis nominibus gratae, tum eo maxime quod MStum Codicem Ermoldi recte tibi redditum intellexi, de quo nonnihil sollicitus eram. Spero illum cum id genus aliis plusculis brevi proditurum non sine notis quibusdam, atque ita ad te cum foenore redditum. Ad te inquam, nam & quod cavendum mones, cavebitur. Neque dubito plura ejusmodi aevos ibi haberi, quae si communices Reipublicae literariae non minus quam meis studiis commodabis. Cuspinianus in Friderico III. meminit (nisi fallor) ejus iussu Libros Feudorum per quendam Jurisconsultum (b) in alium meliorum

(a) Juxta veterem collocationem, in qua Manuscripti cum excusis permixti erant. In Tengnageliano MSS. Catalogo est Codex Historic. 249.

(b) Est is Antonius Minuccius de Frato Veteri, cuius de Feudis Libros VI. ex MSto Cod. Bibliothecae Regiae Parisiensis edidit Johannes Schilterus, cum Codice Feudali Alamannico Argentorati Annis 1695. in 4.